

«ԻՄԱՄ ԶԱՅԱՐԻ» ՕՐԵՆՔԸ ԵՎ ԱՐԵՎԵԼԱՀԱՅԵՐԸ
(XVII—XVIII դարեր)

Հայաստանի ինչպես արեմտյան, այնպես էլ արևելյան մասերում էթնոգավանական իրադրության վրա ղզալիորեն մեծ էր օտար տիրապետողների կողմից վարվող տնտեսական քաղաքականության ազդեցությունը: Հայ բնակչության ոչ բունի եղանակով մահմեդականացման ընթացքը իրականացվում էր տնտեսական լծակների մի ամբողջ համակարգի օգնությամբ: Արևմտյան Հայաստանում, ի թիվս այլ լծակների, հատկանշական էր նաև թուրքական «ֆուկուվաթի» քաղաքականությունը, երբ բթուրքական տիրապետության տակ գտնվող հայկական նահանգներում հայ արհեստավորները, իրենց արհեստներն ի գործ դնելու իրավունքին տիրանալու համար, բռնադատվում էին իսլամների հետ միասին անդամակցելու թուրքական արհեստավորական միավորումներին, իսկ անդամակցելու համար՝ նրանց նման ենթարկվում էին իսլամական սահմանված ծիսակատարություններին և այդ միջոցով՝ իսլամություն ընդունելու թելադրանքներին¹:

Արևելյան Հայաստանում տնտեսական միջոցառումների նման համակարգ էր ժմամ Ջաֆարի» անունով հայտնի օրենքը, համաձայն որի մահմեդականություն ընդունած նախկին քրիստոնյան իրավունք էր ստանում լիովին ժառանգելու իր քրիստոնյա աշխատակիցների ողջ ունեցվածքը, անկախ ազգակցության աստիճանից²: Չրեն-

քը գործադրության պարարտ հող գտավ ոչ միայն ունեոր խավերում (առանձին հայ ֆեոդալական տների ներկայացուցիչներ, հոգևորականություն, առևտրավաշխատական դաս և այլն), այլև պարսկական տեղական իշխանությունների վարած դաժան հարկային քաղաքականության հետևանքով ունեզրկված հայ աշխատավորական խավերում: Տնտեսապես քայքայված, ունեզուրկ հայ աշխատավորը ստիպված դիմելով դավանափոխության, ոչ միայն ազատվում էր կրոնական հալածանքներից, այլև հնարավորություն էր ստանում տեղ գտնալու մի շարք ընտանիքների ունեցվածքին: Շղթայական ռեակցիայի նման տարածվելով, օրենքը աղճատում էր հայ միջնադարյան բազմադամ ընտանիքի, համայնքի դավանական և դրանով իսկ՝ ազգային դիմադիժը: Ունեոր ընտանիքներն իրենց աղքատ ազգականների կողմից լարվող որոգայթներից ունեցվածքը փրկելու համար հաճախ ստիպված էին դիմել պայքարի ամենապասիվ ձևերից մեկին՝ արտագաղթին: 1670-ական թթ. վերջին Հալեպում, Լյուզոփիկոս XIV-ի հյուպատոս Պիկկին՝ մահմեդականների հալածանքներից փրկելու խնդրանքով դիմած Նախիջևանի հայ գոմիխիկյան համայնքից երկու կրոնավոր վկայում էին, որ «իրենց հոտից շատ հավատացյալներ էին անցնում մահմեդականների կողմը, և որ այդ կողմերում (այսինքն նախիջևանում—Մ. Կ.) շահի գործակալները անհավատալի զեղծարարությունների էին դիմում քրիստոնյաների նկատմամբ: Եթե քրիս-

1 Հ. Ս. Անասյան. Թուրքական ֆուկուվաթը և հայերը (Օսմանյան կայսրության ձուլողական քաղաքականության պատմություններից). Վիեննա, 1985, էջ 8:

2 Օրենքի պաշտոնական ձևակերպումը պարսկական և եվրոպական աղբյուրներում տե՛ս Հ. Փափազյան. Սեֆյան Իրանի ասիմիլյատորական քաղաքականության հարցի շուրջը.— «Բանբեր Մատենադարանի», 3, Երևան, 1956, էջ 89—91: Մատենադարանի պարսկերեն վավերագրերը. 1, Հրովարտական, պրակ երկրորդ (1601—1650 թթ.), կազմեց Հ. Գ. Փափազյան, Երևան, 1959, վավ. 16, էջ 101—103; Les six voyages de Jean Baptiste Tavernier,

ecuyer baron d'Aubonne, en Turquie, en Perse, et aux Indes. T. I, Paris, 1679, p. 510; R. du Mann. Etat de la Perse en 1660. Publiée avec notes et appendice par Ch. Schefer. Paris, 1890, p. 46—47; G. Chillon. Relation nouvelles de Levant. Lyon, 1671, p. 292—294; Bedik Petrus. Cahil Sutun. Viennae, 1678, p. 366—368; Poulet. Nouvelles relations du Levant. Paris, 1668, p. 283—285; Sanson. Voyage ou relation de l'état present du royaume de Perse. Paris, 1695, p. 199—202.

տոնյաններից որևէ մեկը,—ասում էին նրանք,— այնքան խեղճ է, որ ուզում է մանմեղական դառնալ, նա, նախ տիրանում է իր ընտանիքի ամբողջ ունեցվածքին և այդ իրավունքը հրեշավոր կերպով տարածում է իր մոտիկ ազգականների բոլոր ընտանիքների վրա, մի բան, որը ինչպես Դուք արդեն պետք է հասկանաք, ահավոր վշտի տեղիք է տալիս: Ու դրան հետևում է այն, որ ընտանիքի ղեկավարները փախուստի էին դիմում, իրենց հետ տանելով այն ամենը, ինչ կարող էին տանել, թողնելով այնտեղ կանանց ու երեխաներին»³:

Վկայությունները ցույց են տալիս, որ եթե փոքր չէր ունևոր դասից այն անձանց թիվը, որոնք վերոհիշյալ օրենքի հետևանքով հարկադրված էին մահմեդականանալ, ապա փոքր չէր նաև այն մարդկանց թիվը, որոնք, լցանկանալով մահմեդականանալ, թողնում էին ընտանիքն ու լքում հայրենի վայրերը: Այս առիթով ուշագրավ է Աստվածատուր Համադանցի կաթողիկոսի (1715—1725) 1721 թվադրված մի կոնդակը, տրված Ետանդ յունաց ղետեղեալ յարևելեան վաճառականացո՞, որոնց նա կոչ է անում, թե այլ արարեալ ևկէք իւրաքանչիւր բնակութիւնս և հայրենական երկիրս անա՛հ և անկասկած յումեքէ՛, քանի որ Թահմազ II շահը «հաստատ յոսղամ է շահադաթ արևր, թէ հէրկահ թուրքացածի տավան տինկլեմիշ չի լինի, ով ոք որ թուրքանայ իւրն հաւատ կու հասանի. այլ ազգականէն ապրանք տավու չի առնէ»: Հաշվի առնելով կոնդակի կարեորությունը ոչ միայն էթնոգովանական

պրոցեսների ուսումնասիրման համար, բնագիրը բերում ենք ամբողջությամբ⁴.

«Քրիստոսի ծառայ տէր Աստուածատուր կաթողիկոս ամենայն Հայոց և պատրիարք Վտղարապատու յուսակառոյց և տիրանկար սրբոյ և մեծի գերագուրդ Աթոռոյս էմիածնի:

Յորմէ ժամանեալ հասցէ գիր օրհնութեան և նամակ պահպանութեան, շնորհ՛ առտեկական՝ հանդերձ աստուածային բազմապատիկ օրհնութիւն և նախախնամութեան գրութիւն ի վերայ օրհնեալ տանդ Յունաց գետեղեալ յարևելեան վահառակաւացոյ՝ խնդալ ի տէր Յիսուս Քրիստոս աստուածն ամենայնի միշտ և հաւապագ ամենայն ժամու, ամէն:

Շնորհք ընդ ձեզ և երկնաւոր խաղաղութիւն յաստուծոյ հօրէ ամենակալէ գրութիւն և ողորմութիւն] ի նորին իսկականի բանին էականի նոյնագօրի, սէր և բաղբոյրութիւն համապատուի նոցին ամենագօր սուրբ հոգւոյն կենաւարի իցցէ և հանգիցէ ի վերայ ձեր, եկեսցէ և բեակեսցի առ ձեզ՝ իբրև գյարձանս գետոց և արպես զվտակս սղբերաց անպառ խաղաղացմամբ և առաքապէս ծաւալմամբ, ընդ որոյ հովանաւորութեամբն գօրասչիք և պահպանեսչիք, նախախնամեսչիք և կառավարեսչիք կրկին զայի՛ք երկակի կենօք, պարզ մտօք, ինքնայօծար կամօք, յամբրամ ժամանակօք և պարագայց ամօք. կալ մնալ ձեզ, ամէն:

Այլ և օրհնութիւն հօր, պահպանութիւն որդւոյ և նախախնամութիւն ամէնսուրբ հոգւոյն առ ձեզ եկեսցէ և լցուսցէ զձեզ փառօք պատուօք և արգասայիր հոխութեամբ՝ իբրև գորթս և զուտըս սաղարբայիտ և պողայից դրախտ անկեալ ի գնացս հոգւոյն վտակաց կալ մնալ ձեզ խաղաղական կենօք, ամէն:

Եւ շնորհագեղուն և աստուածապարզև օրհնութեանս ծանուցումն լիցի վերայ գրեալ մեր

³ G. Goyau. Un précurseur: François Picquet. Consul de Louis de XIV en Alep et évêque de Babyloñe. Paris, 1942, p. 238—239. Նման եղանակով մահմեդականացածների թիվը միայն 1629—1654 թթ. ըստ Երուսաղեմի կաթողիկոսների հաշվումների կազմում էր մոտ 30000 մարդ (տե՛ս A Chronicle of the Carmelites in Persia and the Papal Mission of the XVIIth and XVIIIth Centuries. Vol. I, London, 1939, p. 288). Վերոբերյալը, մեր կարծիքով, որոշ պարզություն է մտցնում ֆրանսիական հյուպատոս Պիկեի այն հայտարարության մեջ, թե նախիջևանում մահմեդականությունն արմատավորվել է Երուսաղեմում (տե՛ս Fr. Picquet. La vie de Messire François Picquet consul de France et de Hollande à Alep. Paris, 1732, p. 391)

⁴ Տե՛ս Մաշտոցի անվ. Մատենադարան, Կաթողիկոս, թղթ. 244, վավ. 255, 1 թերթի Հակոբակ Լրեսին, հավանաբար Սիմեոն Երևանցու ձեռքով ազիլացված է. «Կոնդակ Աստուածատուր կաթողիկոսի վասն հայոց, որք լինին մահմեդականք ի թուին հայոց ՌՃՀ նոյնմ. Ժ(10), Կրկնական 1721»:

սիրելի և հարգատ որդուց մօրս լուսոյ սուրբ էջիածսի, այսինքն արևելեան վահառականացոյ, որք գետեղեալ էք ի տունս Յունաց ուր ուրէք, վասն զի հրամայէ իմաստեացեալն յաստուծոյ Սողոմոն ասելով թէ՛ Սիրտ քաղաւորաց ի ձեռին աստուծոյ է. ում որ կամի խստանայ, ում որ կամի՝ քաղցրանայ: Ահա աստուծով որ սուրբ արիւնք ղօրվարքուս, և նէտիլիսլամի կողմանէ. աստուած քաղաւորին մէկ օրն Ռ (1000) անէ, իւր քաղաւորութեան վերա հաստատ կենայ. ըստ մեր ևս մարկային քննարկն և հաստատ յուսովս է շաֆաղաք արեւ, թէ հէրկամ թուրքացածի աս-վան տիեկլիմիչ շի լինի. ով ոք որ թուրքանայ իւրն հաւատ կու հասանի. այլ ազգականէն ապ-րանք տալու շի ստնէ, մանաւանդ որ յերևանու օրի վերա եղեալ քաֆայութի հէզիէն ԵՃՁ (580) թումանն, գայն ևս, ըստ մեր յարգին, պսիւշի է, թէսէտոսի արեւ է, որ այլ պիտեպար ուզեն ոչ: Երկուսի յաղապմն այլ եկն առ մեզ. ահա ձեր աչքն այլ ի լուս, մեր աչքն այլ. ըստ ասացե-լումն, թէ՛ Աչք մեր յիսնաւոր տէր արար գայս և է սփանչիլ յայս մեր**, վասն որոյ ամենե-րեանք ուրախ լերուք, որ այսպիսի ձմեռնացեալ ժամանակին աստուած ողորմութիւն արար տա-նապեալ ազգիս Հայոց:

Սրբոյ Գրիգորի մերոյ լուսաւորչին կենդանի աղօթքն և մաղաբանքն նորին մաքուր, վասն որոյ ի զալ գրայս առ ձեզ ի լսելն զհամարաւս ա[յ]լս*** բարի ամենայն ոք զձեր սիրտն ուղղեցէ և շու արարեալ եկէք իւրաքանչիւր բնակութիւնս և հայրենական երկիրս անահ և անկասկած յու-մնէք: Ահա մեր ղօրվարքու խանն ևս կրկնակի հուսմ տաւու քալիլ յերևանու վերա և նախ-ջառանայ տանն հանդերձ խաս գեղեցիկն որ այլ այս տավաս հէտիլ իսլամի լինի ոչ, միւրապար հաստատելոց է աստուծով յամենայն ուրէք, այդ-պէս յիմացեք: Շնորհք անառն ընդ ձեզ եղիցի ամենայն ժամու, ամէն:

Գրեցաւ ՌՃՀ (1721) թուականիս Հայոց, ընդմբերի Ժ(10)

Առ դրանն սուրբ էջմիածնիք:

Բնութիւնը ցուց է տալիս, որ ինչպես այս կոնդակում, այնպես էլ այլ աղբյուրներում մահ-մեղականացած հայր ներկայացվում է ինչպես

* Հմմտ. Հոմ. Թ, 18—19:

** Հմմտ. Սաղմոս, Էժէ, 23—24:

*** Թերթի պատուած և սոսնձված լինելու պատճառով բառի ընթերցումը այս մասում վե-րապահելի է:

Սուր մահմեդական» (սչաղիդ-ուլ-իսլամ), այն-պես էլ «թուրք», «քուրդ», «պարսիկ» և այլ տերմիններով: Այսինքն, հաճախ հավասարութեան նշան էր դրվում ցեղանվան և դավանական պատ-կանելութեան միջև, իսկ երբեմն էլ միայն վեր-ջինով էր պայմանավորված էթնիկական պատկա-նելութունը: Այսպես, 1633 թ. հունվարի 18-ին նախընկանի Ապարաներ գյուղից Հոմմ հասցեա-գրած նամակում դոմինիկյան կրօնավոր (հետա-գայում՝ 1655—1664 թթ. նախընկանի հայ կա-թոլիկական համայնքի եպիսկոպոս⁵) Պողոս Փի-րոմալին հաղորդում էր. «Հայաստանում պար-սիկները մի սովորություն ունեն. երբ որևէ քրիս-տոնյա դառնում է «քուրդ». նրա ազգականնե-րին, մինչև յոթերորդ սերունդը ներառյալ, զբր-կում են սեփականությունից և ամեն ինչ տալիս են դավանափոխին»:

Բերկնք մի ավելի ցայտուն օրինակ. 1725 թ. հոկտեմբերի 28-ի նամակում, ուղղված Պետրոս 1-ին, Ղարալայի վեց հայ գյուղերի ներկայացու-ցիչները, նկարագրելով թուրքական ռազմակա-լական զորամասերի վայրագությունները Արևել-յան Անդրկովկասում, հաղորդում էին. «Մեր դե-զերանքն թամամ և Շաքու երկիրն թուրքացել-էն ուծով: Մեր գիր գրանքն և եկեղեցիքն այրե-ցին, մեր քահանայքն կոտորեցին. շատ մարտ-վասն հաւատոյ խաթրին սուրով գնացին: Հիմա ցերեկն թուրքութիւնն էնք անում, զիջերն հայու-քիւնն, այլ շար չի ունիմք... Մեր անսն որ Թուրք է, գնում էնք Գանչայ օսմանլուի մէջն, ղօշունի մէջն ման էնք գալիս, մեզանէ խոսկ չէն թաքցու-նում»:

Այսպիսով, տնտեսական այլ լծակների կող-րին, «հիմամ Ջաֆարի» օրենքը կարևոր դեր էր խաղում հայ բնակչության հարկադրական մահ-մեղականացման գործում:

⁵ Փիրոմալիի մասին տե՛ս M. A. van den Oudenrijn. Bishops and Archbishops of Naxivan.—Archivum Fratrum Praedicatorum. Vol. VI, Roma, 1936, pp. 176—180.

⁶ A Chronicle of the Garmelites..., p. 288.

⁷ Армяно-русские отношения в первой половине XVIII века. Сборник документов. Под ред. А. Иоаннисяна. Т. II, ч. II. Ереван, 1967, док. 324, с. 264; ср. док. 323, с. 263.